

監本六經·春秋

一函
六冊

欽定四庫全書

PDG

春秋卷之十五

文公下

癸頃王九年晉靈三齊昭十五衛成十七蔡

卒陳共十四杞桓十九宋昭二秦康三楚穆八

春毛伯來求金來求止此自是晉雖



毛伯天子大夫何以不稱使當喪未君也
踰年卽位矣何以言未君古者諒陰三年
百官總已以聽於冢宰夫百官總已以聽
則是冢宰獨專國政之時託於王命以號令天下夫豈不可而不稱使春秋之旨微
矣非特謹天下之通喪所以示後世大臣當國秉政不可擅權之法戒也跋扈之臣
假仗主威脅制中外凡有所行動以詔書

春秋

從事蓋未有以春秋此義折之耳

夫人姜氏如齊

音註

姜氏齊昭公女

二月叔孫得臣如京師辛丑葬襄王

音註

前年

公子遂葬襄公今年得臣葬襄王是夷周於晉也

晉人殺其大夫先都

音註

先都下軍佐也以作亂討故書名

三月夫人姜氏至自齊

夫人與君敵體同土宗廟之事出必告行反必告至則書于策然適他國者或曰享或曰會或曰如衆矣未有致之者則其行非禮以不致見其罪也出姜如齊以寧父母於禮得行矣其致者非特以告廟書耳夫人初歸豈其不告爲文公越禮故制

不書示誅意之法矣。今此書至者，又以見小君之重也。夫承祭祀以爲宗廟主，一國之母儀，而可以搖動乎？出姜至是，蓋不安於魯，故至而特書，以示防微杜漸之意。其爲世慮深矣。

音註

現見音

晉人殺其大夫士穀及箕鄭父

音註

與先都同罪也。

殺先都，士穀國也。其稱人以殺者，國亂無政，衆人擅殺之稱也。何以知其非討賊之詞？書殺其大夫，則知之矣。三大夫皆強家也，求專晉不得，挾私怨以作亂，而使賊殺其中軍佐，則固有罪矣。曷爲不去其官？當是時，晉靈初立，主幼不君，政在趙盾而中軍佐者，盾之黨也。若獄有所歸，則此三人者獨無可議。從末滅乎？而皆殺之，是大夫專生殺而政不自人主出也。故不稱國討，不去其官，而箕鄭父書及，示後世司賞罰。

者必本忠恕無有黨

音註

去上聲下同

楚人伐鄭公子遂會晉人宋人衛人許人救

鄭

按左氏范山言於楚子曰晉君少不在諸侯北方可圖也楚子師于狼淵以伐鄭則是貪得無故憑陵諸夏之兵也故楚子親將貶而稱人晉宋衛則趙盾華孔皆國卿也何以貶而稱人救而不及楚師欲以懲不恪也晉主夏盟不在諸侯以啓戎心誰之過乎故書救而稱人以罪趙盾之不能折衝消患為夷狄之所窺也

音註

范山楚大夫少去聲將去聲華戶化反

夏狄侵齊

秋八月曹伯襄卒

春秋

其公卒于

九月癸酉地震

春秋

地道安靜以

冬楚子使椒來聘

春秋

楚君臣始

楚僭稱王春秋之始獨以號舉夷狄之也
中間來聘改而書人漸進之矣至是其君
書爵其臣書名而稱使遂與諸侯比者是
以中國之禮待之也所謂謹華夷之辨內
諸夏而外四夷義安在乎曰吳楚聖賢之
後見周之弱王靈不及僭擬名號此乃復
而變於夷者也聖人重絕之夫春秋立法
謹嚴而宅心忠恕嚴於立法故僭號稱王
則深加貶黜比之夷狄以正君臣之義恕
以宅心故內雖不使與中國同外亦不使
與夷狄等思善悔過向慕中國則進之而
不拒此慎用刑重絕人之意也噫春秋之

所以為春秋非聖人莫能修之者乎

秦人來歸僖公成風之祔

音註 祔 衣服曰祔 音遂

秦人歸祔而曰僖公成風者非兼祔也亦猶平王來謁仲子而謂之惠公仲子爾仲子惠公之妾也然則風氏亦莊公之妾曷不書曰來歸莊公成風之祔乎曰寵愛仲子以妾為妻者惠公也故書惠公仲子所以正後世之為人夫者當明夫道不可亂嫡妾之分以卑其身尊崇風氏立為夫人者僖公也故書僖公成風所以正後世之為人子者當明子道不可行僭亂之禮以賤其父聖人垂戒之義明矣

葬曹共公

甲辰 頃王十年 晉靈公齊昭十六衛成十八蔡
莊二十九年鄭穆十曹文公壽

元年陳共十
宋昭三秦康四楚穆九

春王三月辛卯臧孫辰卒

臧孫辰
臧孫辰文仲也

夏秦伐晉

臧孫辰

是狄秦也楚之伯秦之力也於

也又三十年而狄鄭又五十年

而狄晉狄鄭猶可也狄晉甚矣

說者謂秦伐晉以戎狄書蓋闕文者據左
氏少梁北徵之師兩國相攻無他得失言
之也然晉取少梁事不經見固未可據秦
以狄書者程氏以為晉舍適嗣而外求君
罪也既而悔之正矣秦不顧義理是非惟
以報復為事則夷狄之道也以此狄秦義
固然矣或者猶有深許晉人悔過能改
終不遂非之意故重貶秦伯以見乎

音
少去聲

音
下同

楚殺其大夫宜申

音記

宜申。子西也。

按左氏宜申與仲歸謀弑穆王而誅則是討弑君之賊也。曷為稱國以殺。又書其官而不曰楚人殺宜申乎。曰穆王者。即楚世子商臣也。而春秋之義微矣。

自正月不雨。至於秋七月。

及蘇子盟于女栗。

音記

蘇子。周卿士也。女栗。地闕。女音汝。頃王新

立故與魯盟。親諸侯也。

冬狄侵宋。楚子蔡侯次于厥貉。

音記

厥貉。地闕。貉音

麥。次以見楚之圖伯而未集也。是故書次于郎。以見齊霸之難。書次厥貉。以見楚伯之難。楚滅江。六平陳與鄭。於是乎為伐宋之舉。次於厥貉。凡伐而次者。其次為善。次而伐

者其次為貶齊師次陘修文告以威敵善
之也故上書伐楚以著其美楚次厥貉藏
禍心以憑夏貶之也故下書伐麇以著其
罪當是時陳鄭宋皆從楚矣獨書蔡侯顧
哉鄭失三大夫俟救而不及陳獲公子蔑
而懼宋方有狄難蓋有不得已者非所欲
也蔡無四境之虞則是得已不已志在從
夷狄矣故削三國書蔡侯見其棄諸夏之
惡也

音

伐音

己丑

頃王十有一年

晉靈五齊昭十七衛成十
九蔡莊三十鄭穆十二曹

文二陳共十六杞桓二十
一宋昭四秦康五楚穆十

春楚子伐麇

音

麇小國近楚音君楚書君
將於是始自是楚師必圍

滅而後
貶之

夏叔仲彭生會晉卻缺于承筐

京

卻去逆反承筐

宋地

秋曹伯來朝

公子遂如宋

狄侵齊

冬十月甲午叔孫得臣敗狄于鹹

咸

鹹音咸魯

地

左氏稱此長狄也而劉敞以為非夫春秋正名之書其稱狄也或曰狄或曰白狄或曰赤狄其稱戎也或曰戎或曰山戎或曰姜戎或曰陸渾之戎不別其種類書之乎

策。後亦無所考矣。

聲種上

西頃王十有二年晉靈六。齊昭十八。衛成二。蔡莊三十一。鄭穆十三。

曹文三。陳共十七。杞桓二十。宋昭五。秦康六。楚穆十一。

春王正月。邾伯來奔。**音**此邾太子朱儒也。

諸侯之禮逆之也。是故邾太子朱儒魯謂之邾伯。晉大子州蒲。晉謂之晉侯。從而書之。徒見其悖。

禮義耳。

杞伯來朝。**音**復稱伯。舍夷禮。

二月。庚子。子叔姬卒。**音**叔姬。文公女。許嫁杞伯。後為絕昏至。

是卒。

夏。楚人圍巢。

音註

巢。吳楚閒小國。

秋。滕子來朝。

秦伯使術來聘。

音註

秦君臣始並見。

冬。十有二月。戊午。晉人秦人戰于河曲。

秦伯親將。晉上卿趙盾禦之。其稱人何。爲令狐之役故也。秦納不正。遂非積忿。晉不謝秦。潛師禦之。是以暴兵連禍。至此極也。凡戰皆以主人及客者處已之道。寡怨之方。王者之事。其不書晉及何也。前年秦師來伐晉。不言戰者。晉已服矣。故狄秦而免晉。今又爲此役。則秦曲甚矣。故不以晉爲主。惟動大衆。從秦師。不奉詞令以止之也。故貶而稱人。此

音註

河曲。晉河東地。

季孫行父帥師城諸及鄆

宣

諸。鄆。本魯邑。近於魯。乃

莒魯別爭者以其遠
逼外國故帥師城之

新

頃王十有三年

晉靈七。齊昭十九。衛成二十。鄭穆十二。

四。曹文四。陳共十八。卒。杞桓二。
十三。宋昭六。秦康七。楚穆十二。

春。王正月。

夏五月壬午。陳侯朔卒。

宣

共公卒。子靈立。

邾子蘧蒢卒。

宣

蘧蒢音渠除。文公卒。子定公襲且立。

自正月不雨。至于秋七月。

世室屋壞。

世室。魯公之廟也。周公稱太廟。魯公稱世室。羣公稱宮。書世室屋壞。譏久不修也。何以知久乎。自正月不雨。則無壞道也。不雨凡七月。而先君之廟壞。不恭甚矣。凡此皆志文公怠慢。不謹事宗廟。以致魯國衰削之由。其戒切矣。

冬。公如晉。衛侯會公于沓。

音註

沓。地。關。

狄侵衛。

十有二月己丑。公及晉侯盟。公還自晉。鄭伯

會公于棐。

音註

棐。鄭地。音吠。又音匪。○楚次厥貉。而晉遂不競。於是公朝

晉。衛侯會公。公還自晉。鄭伯會公。諸夏之懼甚矣。

頃王六年崩。子班嗣立。是十有四年。

晉靈公。齊

昭二十卒衛成二十二年蔡莊三十二鄭穆十
五曹文五陳靈公平國元年杞桓二十四宋

昭七秦康八楚
莊王旅元年

春王正月公至自晉

邾人伐我南鄙叔彭生帥師伐邾

夏五月乙亥齊侯潘卒
齊昭公卒子舍立

六月公會宋公陳侯衛侯鄭伯許男曹伯晉

趙盾癸酉同盟于新城
齊新城宋地

同盟于新城同外楚也其曰同者志諸侯
同欲非強之也而宋公陳侯鄭伯在焉則
知楚次厥貉三國雖從誠有弗獲已者削
而不書蓋恕之也蔡不與盟果有背華即
春秋文公下卷之十五八

夷之實矣。夷考晉楚行事，未有以大相遠也。而春秋予奪如此者，荆楚僭王，若與同好，陵蔑中華，是將代宗周為共主。君臣之義滅矣，可不謹乎。

音註

聲與上

音預背
音佩

秋七月有星孛入于北斗

音註

孛音

孛者，惡氣所生，闇亂不明之貌也。入于北斗者，斗有環域，天之三辰，綱紀星也。宋先代之後，齊晉天子方伯，中國紀綱，彗者所以除舊布新也。禎祥妖孽，隨其所感，先事而著。後三年，宋弑昭公，又二年，齊弑懿公，又二年，晉弑靈公，此三君者，皆違道失德而死於亂。符叔服之言，天之示人顯矣。史之有占明矣。

公至自會